

ЛҰИМА СЭРИПОС

21 сентябрь
2017 года
№18
(1156)

Общественно-
политическая газета
Ханты-Мансийского
автономного
округа-Югры

www.khanty-yasang.ru

E-mail: gazeta@khanty-yasang.ru

Основана 11 февраля 1989 года



Л. Теткина вѣрум хури

Ты хурит Белоярский район Полноват пѣвылт ѓлнѣ
мѣньщи нѣ Надежда Ивановна Слинкина пѣслым
ѓлы. Тав урѣтыл 8 лѣпсыт ловиньтѣн.

Ты
номерт
ЛОВИНЬТѢН:

Ищхйпын
тѣлан сѣв олн
тѣстыглаве

2

Тав яныгмам
мѣтѣн ѣхталас

3

Ялпын хѣталытт
тав мѣньщи супыл
масхатыглы

8

Самын патум
мѣкем сака
ѣруптылум

10

Соссаң мѣхманув
хумус ѓлѣгыт

16

ЛҲХХАЛЫТ

Ищхйпың тэлан сав оln тастыглаве

Округ кұшай нэ Наталья Комарова такви вәңын хөтпанэ вәтихал акван-атыglyнэ ос савсыр эрнэ вәрмалит урыл тән ётаныл потырты. Ты этпос ывылтахтам порат олум сапрәнит мэхум ищхйпың вәрмалит урыл потыртасыт.

Наталья Комарова лавыс, савсыр ищхйпың утыт мән олупсав мощ кұпнитыг варияныл, ты магсыл тән ты хосыт акваг рұпитэгыт ос сав оln тув тастыглыгыт. Округут олнэ мэхум интернет хосыт лёккарыт палт хасхатуңке ань вөрмёгыт. Тувыл мән павлы-

тыт олнэ мэхум тамле ут ат ыныщёгыт, тыи магсыл лёккарыт палт талон-нэпак виңке ат вөрмёгыт. Мән округут олнэ мән павылкет ты ищхйпың утыл ань ос вәруңке ывылтавёсыт.

Округ кұшай нэ ос акв тэла урыл потыртас, ань касың хөтпа пұльницат такви нэпак

оныщи, манхурип агмыт тав оныщи, тот пуссын хансым олы. Това порат ты нэпакыт пұльницат хот-ўставет ос ты элы-палт хөтпа хумус пусмалтавес ос манхурип тәрпил хансыглавес, мот лёккарыт ат вәганыл. Тамле вәрмал ул вос ёмталас, касың хөтпа ищхйпың утыт тамле карточкал вәраве. Лёккар агмың хөтпа хумус пусмалты, пуссын тув хансуңке тах паты. Тот вәрим нэпак ат ўставе. Мот пұльницат рұпитан лёккарыт ты

ищхйпың утыт агмың хөтпа карточкатэ ловиньтаңке ос вөрмёгыт. Ты коньпал элумхолас, госуслуги нампалопсыт такви ке хасхаты, ищхйпың утыт лёккарыт маныр хассыт, такви ловиньтаңке ос тах вөрми.

Тамле рұпата образование магсыл ос вәрвес, мэхум нывраманыл хумус хаништахтэгыт, ищхйпың утыт ос ловиньтэгыт.

**Людмила
ТЕТКИНА**

Йильпи школа пұсвес

Сұкыр этпос ывыл хөталёт Ханты-Мансийск ўст йильпи школа №7 пұсвес. Ты кастыл округ кұшай вәңын хум Всеволод Кольцов тув ёхталас. Тав тот атхатам хөтпат ос ныврамыт пуссын янытласанэ. Хум лавыс, тот хаништахтын ныврамыт магыс матыр-ати пуссын щёпитым олы.



Тот ань акв сөтыра китсәт савит агитпыгыт хаништахтуңке патэгыт. Ты коньпал школа ляпат садик ўнттувес. Тал арыг яныт мән ныврамыт тув тотыглаңке ос ўргалаңке патавет. Овыл классын миннэ ныврамыт щәняныл-ащаныл ёт хаништахтуңке ывылтахтын

хөталт школа элы-палт лов щёст акванатхатсыт. Школа кұшаиг Елена Васютина рұпитаңке вуйвес. Линейка олум порат тав яныг туманнёлмыл мүйлуптавес. Сав ныврам хаништахтын магыс тот ат щёс линейка вәрыглавес.

Директор нэ кол ўнттум хөтпатын яныг

пұмашипа лавыс. Тән хосытанылт ты тал ныврамыт йильпи яныг школан хаништахтуңке минасыт. Сартын ўс та ёрт школа атим олыс. Мэхум нывраманыл эл тотыгласаныл. Ань олнэ коланыл ляпат хаништахтуңке патэгыт.

Ты тал Ханты-Мансийск ўст хұрумхуйплов сөтыра китсәт ныврам школан хаништахтуңке ёхтысыт. Тыитныл акв сөтыра хөтсәт налыман нупыл ат ныврам ывыл классын минасыт. Ты ныврамытныл йильпи школан китсәт сәтлов ныврам ывыл классын вуйвёсыт. Ты школа ўнттын магыс округ ос ўс мирколт рұпитан мэхумтән яныгнётмил вәрсит. Кұшай нэ тананыл тыи магыс сака янытласанэ.

Школа колнаканэ пуссын посуңыг вәрвёсыт, тән ищхйпың утыл щёпитым олэгыт. Агмың-мосың ныврамыт магыс каснэ колнак щёпитавет. Тән тот пусмалтахтын магыс нёнсынтахтыглаңке патэгыт. Яныг ос



Е.Б. Васютина

мән ныврамыт магыс янас кит пувлын ос уигтан вөңхаг вәрим олэг. Ты школа щар йильпи щирыл вәрвес, ныврамыт щәгтым хаништахтуңке тув ёхтысыт. Тот ныврамыт пуссын алпыл пәсныл акв смена щирыл хаништаңке патавет.

Тыгыл элалы 2025 тал мус округут яныгсәткем йильпи школа ўнттуңке номсаве. Тув яныгсәт налыман сөтыра савиткем ныврам пирмайтаве тах.

Николай МЕРОВ

ЛЯХХАЛЫТ

Тав яныгмам мātэн ёхталас


Тынакт Ханты-Мансийск үсн космонавтыг ѓлнэ хум Сергей Николаевич Рыжиков ёхталас. Школат ханищтахтын нйврамыт магыс астрономия ос космонавтика урыл потыртас, ты тэла хумус ѓвылтавес, мән мавт тав хумус вāраве, та маныр. Сергей Николаевич потре ищхйпың утын хасвес, округ янытыл ѓлнэ касың нйврамын хўлвес.

Тынамың-суиңхум ома тэ ёт ёхталас, наме Любовь Ивановна Рыжикова. Тэн нйврамыт ханищтахтын технопарканыл сун-систэн, тувыл наука музейн ос космо-квантум ханищтан колнакн вѳвиньтавесыг. Лётчик-космонавт нйврамытын маттем та китыгла-вес. Инопланетяныт урылтавтохлавыс: «Мѳт савсыр утытын ам ат агтэгум. Ты урыл махум сака сав ханищтасыт, ань тыхѳтал мус ханищтэгыт. Туп таи тара-паттысыт - мән коньпалувт Вселенныйт воссыгнэмхотыют атим, туп мән, элумхѳласыт, ѓлэв. Хумус вѳрмѳв, хумус таңхѳв, тыт мән та шуртѳв, мән та кўщайлахтѳв».

Тувыл Сергей Николаевич ома тэнтыл округ кўщай нэн Наталья Комарован ўрвесыг,

мирколн ялсыг. Кўщай нэ тэнатэн сав ёмас сымың латың лавыс. Тамле номтың, мўтраң пыг янмалтаме магыс тав Любовь Николаевна янытластэ. Лётчик-космонавт нупыл лавыс: «Наң вāрнэ тэлан нйврамытын сака мўсты, ань йис мāньлат хѳтпатныл хотыют эрың наң хольтын ханищтахтўн-кве ос тувыл элаль рўпитан-кве тахмаи. Ам номсэгум, наң яныгмам мән ватихал ёхталаңкве патэгын, тыт ѓлнэ нйврамытн космосурыл сав ляххал тотўн-кве ос вāрнэ тэлан урыл потыртаңкве патэгын. Мән наңын акваг ўруңкве патылўв».

Хум ювле тох нѳтмил эрмыглы те, ам атхунь нѳтэгум. Тыхѳтал мāнылат хѳтпат ёт сав потыртасум, космос урыл тән сака



Сергей Рыжиков. ос ома тэ Любовь Ивановна

пўмшалахтасыт, китыглахтан латың сав ѓщсыт. Ам амти мāниг ѓлсум, ѓс акваг пўмшалахтасум, ханищтахтасум. Номилум, тѳванакт мән ётув лётчикыт ос хѳнтлын мāнялум хѳтпат потыртасыт. Тән ётаныл хѳнтыглахтамув юипалт мән, пыгрищит, номсахтасув, элаль хѳт ханищтахтўн-кве патѳв. Ам нāнан нѳтуңкве патѳгум».

Сергей Николаевич 1974 талт самын патыс, Нижневартовск ўстаныгмас, №12 школа асталас. Элаль Оренбург ўст ѓлнэ училищат лётчикыг ханищтахтас. Тав Роскосмос мāt космонавт-испытателиг ѓлы. ѓвыл щѳс нумын тѳрумт тав мāнь таквс

ѳтпос 19 хѳталѳныл 2016 тал ос яныгполь ѳтпос 10 хѳталэ мус 2017 тал порат яласас. Мā тармыл ѓлнэ махманэ ёт тувыл тѳрумныл ищхйпың ут хосыт потыртас, округт ѓлнэ мирн паща латың кѳтыс. Тѳнт тав Роскосмос рўпитан Андрей Борисенко космонавт ос НАСА нампа мāt рўпитан Шейн Кимброу астро-навтѳт космосн ялыс.

Международный космический станция мāt рўпитаме сыс тав космонавтыт ёт российский научный программа магыс савсыр экспериментыт вāрыс. Тувыл аква-торыг тән мир пусмалтан магыс, космическая биология, биотехнология, физико-химические процессы ос мѳт эрнэ тэлат ханищтасыт. Мā пѳслысаныл, кина вāрсыт. Нумын, тѳрум халт, тән 173 хѳтал рўпитасыт.

Сергей Николаевич лавыс, космос тав мā урыл, ѓлупса урыл сав номсахтас. Хунь тамле нѳтнэ мātѳв нупыл сунсыс, номсыс, мāнавн халанувт юртыңыщ ѓлуңкв эри. Самын патсув те, лылынтагыл ѓлэв те - ты мак ёмас. Мāнавн воссыгнэматыр ат эри.

Светлана МАТВЕЕВА



Космонавт хум ос ома тэ нйврамыт халт лѳлѳг

ЛЯХХАЛЫТ

Ат сәмпә пәсыт нәх-вәрвәсыт

Мә-вәй ос газ нәх-винә мәт рүпитан мәхум округувт кәсың тәл сүкыр әтпос өвыл хәталанәт янытлавет. Ты тәл нә-лоловит щислат Ханты-Мансийск үст мәхум «Музей геологии, нефти и газа» кол пәхат атхатыгласыт. Сәв хәтпа тув әхталас - мә-вәй нәх-винә мәт рүпитан нәт-хумит, округ кұщай нә Наталья Комарова, Россия яны-тыл энергетика тәла палт Министрыг өлнә хум Александр Новак, школат ханищтахтын нйврамыт ос мүй мәхум.

Округ мәгыс шар мак емас тәла вәрнә мәхум кәсың тәл янытлавет, тәват ат сәмпә пәсыл вәравет. Ты тәл тамле пәс хұрум хәтпа мәгыс щәпитавес - сәв тәл колыт үнттын мәт рүпитам әква Вера Панасевич, журналист ойка Новомир Патри-кеев ос мә-вәй нәх-винә мәт рүпитам хәтпа Авзалитдин Исянгулов. Пәсаныл музей колнор онтсыл нәх-вәрвәсыт.

Өвыл ләтың Алек-сандр Новак ләвыс: «Ам ань нән мәнт емыгтанәм порат номтум татем емас. Мә-вәй сәвыңпәлә нән мәнт кәтын-паттаве. Россия экономикатә округын хосыт сәвми. Мәлты тәл тыт 239 миллион тонна мә-вәй нәх-вуйвес, ты 45% сәвит Россия янытыл кәтын-паттым мә-вәй. Нән, ты мәт өлнә мир, шар мак

ер мәхум, Россияв нән хосытынты ты тәкыг өлы, нәнхосытынттав щәлың. Мә-вәй нәх-винә мәт рүпитан кәсың хәтпа урыл нәпак хансүңке ве рөви. Тот таксар мәхум рүпитәгыт. Тан халанылт мәньлат әгит-пыгыт ләңханыл сөви ат мины, элаль емас номтыл өләгыт».

Округ кұщай нә өс мощ потыртас, мә-вәй нәх-винә мәхум янытласанә, тәнанылн сәв емас, сымың ләтың ләвыс.

Янытлым әква Вера Ивановна Панасевич 1937 тәлт самын патыс, Семипалатинский об-ласть Ново-Шульга пәвылт. 1966 тәлт тав Сургут үсн вәнтлыс, тот колыт үнттын мәт сәв тәл рүпитас. Өвләт нас рүпата вәрыс, тувыл пиркатырыг паттувес.



Өлнә колыт, школат, нйврам садикыт үнт-тысыт. Сәвсыр кон-курсыйт ос каснә мәт тав пиркататә акваг янытлавет.

Новомир Борисо-вич Патрикеев Салехард үст 1932 тәлт самын патыс. Тот «Красный Север» газета вәрнә колт пуңктотыс, тувыл сәв тәл Ханты-Мансийск үст «Новости Югры» газетат редакторыг рүпитас. Сәв емас, эрнә тәлат вәрыс, сәвсыр яныг намытыл майлуves. Таимәгыс ты яныгхәтпа ат сәмпә пәсыл та вәрвес.

Авзалитдин Гизя-туллович Исянгулов 1928 тәлт самын патыс, Башкирский АССР Стерлибашевский рай-он Елимбегово пәвылт.

Мә-вәй нәх-винә мәхум халт тав намың-суиң хәтпаг өлы, «Почётный нефтяник» намыл майвес. Тав сәв хәтпа ханищтас, мәньлатәгит-пыгыт әт сәв рүпитас. 2004 тәлт ойка атымге емтум. Музейн тав пыге пыг Кирилл Исянгулов әхталас. Хум тох ләвыс: «Опам өлыс те, хот-щәгтнув, тав мәгыслә тамле пәс нәх та вәрвес. Мән таве емас ләтңыл кәстылуw. Матъемас нән ос таве номилын, пүмашипа».

Хұрумхуйплов тәл сыс та музей колноранә онтсыл 42 тамле ат сәмпә пәсыт нәх-вәрвәсыт.



Светлана
РОМБАНДЕЕВА

КҮЩАИТ РҮПАТАНЫЛ

Күщаит рүпатаныл тән акваг уральтыяныл

Ханты-Мансийск ўст Общественный палатат рүпитан хөтпат сапрәнин акван-атхатыгласыт. Округ мирколт кәсың департаментыт манос службат тәнки совет оныщәгыт. Ты советын пәриим хөтпат хумус рүпитасыт, та урыл сапрәнит мәхум өвләт потыртасыт.

Сәвсыр департаментыт ос службат ты тәл хөт этпос сис манхурип рүпата вәрсыт, ты общественный палатан от-чет-нәпак кәтыгласыт. Тот рүпитан хөтпат ты нәпакыт ловиньта-

саныл, җемащакв ос кәр-камыг рүпитан күщаит пәриясыт. Ты пора сис внутренний политика департамент мәхум җемащакв рүпитадыт.

Ты юи-пәлт кит яныг вәрмалит урыл по-

тыр олыс. Яныг таквс этпос 28-29 хөталыгт Ханты-Мансийск ўст «Гражданские инициативы регионов 60 параллели» нампамир-хал форум рүпитаңкве тах паты. Общественный палатат рүпитан хөтпат ты яныг форум вәруңкве щәпитахтәгыт. Манхурип тәлат урыл потыр тот җмты, хогы мәныл ос манасә-вит хөтпа тыг җхтәгыт, таурыл сапрәнит мәхум

потыртасыт. Ос акваг этпост 11-12 хөталыгт мән оlnә мавт «Югра многонациональная» нампам форум тах вәрыглаве. Округвот оlnә сәвсыр мирыт тув вөвыглавет. Тамле мүйлын хөтал ос таи магсылкәсыңтәлвәрыглаве, мирыт пуссын акваҗт юртыңыщ вос оlnәгытосхаланылтвори ул вос тотәгыт.

Людмила ТЕТКИНА

Мәхум пусмалтан вәрмалит өвылтыт

Округвот ләккарыт ань «Бережливая поликлиника» проект щирыл рүпитаңкве патсыт. Тамле ләххал Елена Касьянова, мир пусмалтан мāt күщай вәңын нә, ләвыс.

Ты мәхум пусмал-тан вәрмалы РФ министерство пәлыл 2016 тәлт яныг таквс этпосныл өвылтавәс. Төнт Ярославль, Севастополь ос Калининград хұрум ұсыт тәра рүпитаңкве патсыт.

Мән округ ләккар күщаянув ты тәл яныг-пөль этпост сапрәнин ялманыл порат Веро-

ника Скворцова, яныг күщай җт, акван-хөнтхатыгласыт ос төнт ты урыл потыртахтасыт.

Округвот ань лов пүльницатмирұргалым, сәлитым рүпитаңкве патәгыт. Ты пүльницат пуссын ұсың мāt оlnәгыт, пәвлың пүльницат ос акваг рүпитаңкве ләвавет. Ань ағмың хөтпа эрнә ләккар палт

миннәтә элы-пәлт, өвләт талон-нәпак кәттын вос выг. Пусмалтан ләккар колнаке ави сұнтыт наскәсыг ұрхатым ул вос ұнлысыт, тән тәраң щәсанылт пүльницан вос җхталасыт. Тувыл кәсың пүльницат эрнә ләккарыт аква колт вос ұнлысыт, ұс янытыл ләкква мāt тән ул вос рүпитасыт.

Мәхум талон-нәпак ищхйпың утыт хосыт виңкве вәрмәгыт, ань тув хасхатнәмагыс элум-хөлас өпарищ наме ос

медицинский полис номере җмщакв тув вос хұлтыяныл. Ләккарыт ос ағмың хөтпат тәнки халанылт сәлитахтым вос оlnәсыт, наскәсыг ул вос ләвтсыт.

Ань ийльпи проект щирыл рүпитан ләккарыт пуссын элалы ханищтавәсыт. Тән рүпатат маныр тәрвит ошсыт ке, таит җмщакв тәра-паттысаныл, ань ос мөт щирыл ос мәкыг вәруңкве ләввәсыт.

Тамара МЕРОВА

Тынтәл кол ұнттуңкве ат кәсащәгыт

Ты этпос сәтыт хөталәт «Общероссийский народный фронт» нампам организацият сапрәни вәрыглавес ос колт ұнттын вәрмалы щирыл рүпитан күщаит тув вөвыглавәсыт. «Жилье для российской семьи» нампам программа хумус мән оlnә мавт рүпиты, та урыл потыр олыс.

Ты программа 2014 тәлт Россия янытыл рүпитаңкве өвылтахтас. Кол ұнттын департаментыт күщай хум Руслан Цыганенко ләвыс, сәвсыр организацият мән оlnә мавт тынтәл колыт ұнттуңкве шар ат кәсащәгыт. Ты нәпак щирыл кол аква метра 35 сөтыра солкөви тынә вос олы. Тән сәв күщай-хөтпат җт

потыртасыт, нәмхотыют кол ұнттуңкве ос тувыл тынтәлыг тыналаңкве ат тахмаяс. Округвот оlnә районыт ос яныг ұсыт халт туп Сургутский район Белый Яр пәвылтакв организация 174 тамле яныг колыт ұнттуңкве вуйхатас. Ос ты коньпал тот ханищтахтын кол, нәврамыт ұргалан кол ос культура центр ұнт-

туңквеләвхатас. Ты элы-пәлт ты организация, районный мирколос округ мирколт күщаит җт соглашение-нәпакт пуссын хасхат сыт ос акван-нәтхатым рүпитаңкве ләвхатсыт. Ань Белый Яр пәвылт 118 пәс колытыт сәв щәмьят оlnәгыт, тән магсыланыл ты ийльпи колыт ұнттавет. Хоса ман ати тән ұрхатуңкве патәгыт, ань нәмхотыют ат вәг.

Сургутский район миркол күщай Андрей Трубецкой ты вәрмалы урыл тох ләвыс. Ты соглашение-нәпак щирыл округ миркол та пәвылт

кол ұнттын мә мус сәвсыр тұрпат ос ләңх вәрнә магсыл олн тәс-тыглас. Ты рүпата ань пуссын вәрвес. Ос кол ұнттын организация аква кол туп ұнттыс, ту-выл элалы рүпитаңкве олн воссыг ат оныщи. Тән ань мөт мәхум җт потыртахтәгыт, эрың тән ты яныг колыт ұнттуңкве вуйхатәгыт. «Общероссийский народный фронт» нампам организацият рүпитан хөтпат та районт хумус колыт элалы ұнттуңкве патавет, акваг тах ураль-тыяныл.

Людмила АЛГАДЬЕВА

КҮЩАИТ РҮПАТАНЫЛ

Үст өлнэ мир пуссын аквѣт хайтсыт

Россия янытыл өлнэ мирыт пустагыл өлнэ урыл акваг вос номсысыт, вина ул вос айсыт, хохса ул вос хартсыт, тән ань савсыр пұмаш вәрмалил вәрыглавет. Касың тал таквсы порат сұқыр этпост махум пуссын аквторыг хайтуңкве акван-атхатыгләгыт, ты вәрмалы руц ләтңыл «Кросс нации» намаим олы.

Ты тал акв тамле хотал сұқыр этпос 16 щислат щёпитәлвес, тонт Россия янытыл яныг ұсытт манос мән павылкветыт өлнэ мирыт аквѣт хайтуңкве атхатыгласыт. Та хотал мән округут 16 ұсытос районыт өлнэ 13 сөтыра арыгкем элумхөлас аквторыг ос хайтсыт.

Ханты-Мансийск үст өлнэ мир хайтнэ магсыл биатлонный центрын атыглавёсыт. Касың элумхөлас тув ёхталаңкве вёрмыс. Овләтспортсмен-хөтпат хайтуңкве вөввёсыт. Мән ныврамыт акв сөтыра 500 метра хайтсыт, яныгнув ныврамыт - кит сөтыра

500 метра, мәнлат ос яныг хөтпатын хұрум ос ат сөтыра метра хайтуңкве әрыс.

Махум тув әлпыл акван-атхатуңкве патсыт. Тән магсыланыл концерт щёпитәлвес, мән ныврамыт савсыр ёнгыл ёнгалтавёсыт. Ты юипәлт акв щёс порат махум пуссын аквѣт хайтуңкве вөввёсыт.

Ты тал Ханты-Мансийск үст «Ново-годняя столица России» намыл майвес. Йильпи тал овылтахтын порат савсыр мәныл Ащирма тотнэ ойкат тыг тах ёхтәгыт. Ханты-Мансийск үст ты кастыл ань щёпитахтуңкве овылтахтасыт. Ты кас-



тыл Дед Морозыт ос Снегурочкат пұмыщ магсыл хайтуңкве ос вөвыглавёсыт. Та хотал үст кит сөтыра арыгкем элумхөластотмұйлысыт оспұмыщмагсылаквѣт хайтсыт. Ань савнұв хөтпа тамле ялпың хоталын вос ёхталасыт, шар сартын финишин ёхтыгпам элумхөласыт олныл майвёсыт. Ханты-Мансийск үст акв сөтыра 500 метра Динар Хакимов шар молях хайтыс. Мәнлат пыг

15 сөтыра солкөвил майвес. Китыт места вим хөтпа лов сөтыра солкөви хайтым сәлыс, хұрмит места вим пыг ос ат сөтыра солкөвил майвес. Тән пуссын янытлавёсыт.

Ты коньпал тув ёхталам мир савсыр касылыл вәрыглавёсыт, шар нётнэ маснұтыл масхатам хөтпат ос пұмшиг пөслахтам махум тот пәриявёсыт.

Людмила ТЕТКИНА

Тох потырттым акван-ёхталаңкве ат әри

Мирн пәриим депутатыт халт кұщайт өлнэ хөтпат акван-атхатыгласыт ос хұрум мәныл Тюменский область, Югра ос Ямалныл видеосвязь хосыт аквѣт потыртасыт. Депутатыт коньпал тув миркол кұщайт ос ёхталасыт.

Ань потранылта урыл олыс, Россия Президентув хансум указә щирыл, мир хотты мән нәпаканыл минә-ныл порат моляхнув вос пирмайтавет, очеридит хоса ул вос үнләгыт. Ань ты кастыл МФЦ колыт рұпитәгыт, округ Дума кұщай хум Борис Хохряков ләтңе щирыл, мән округут 2013 тәлт яныгсәт налыман сөтыра савсыр вәрмаляныл магсыл махум тув ёхталасыт. Ань юи-өвыл 2016 тәлт тит млн. лятатем щёс махум тув танти нәпа-

каныл минә магсыл ёхталасыт. Тән очеридит атхуйпловтем минута сыс туп ұрхатәгыт, тыгыл сав щёс тот ат үнлантәгыт.

Дума кұщай вәңын хум Александр Сальников ләвыс, тән савсыр ұс ос павыл кұщайт ёт акван-потыртахтым рұпитәгыт, миркол кұщайт ёт ханищтапыт вәрыгләгыт, ханищтыяныл, хумус ёмщаквег тәланыл вәруңкве рөви. Дума ищхипың лөпсанылт миркол кұщайт магсыл әрнә потрыт хансым өләгыт,

тот тән ловиньтаңкве ос ханищтахтуңкве вөрмәгыт.

Тюменский область ос Ямал кұщайт танти рұпатаныл урыл ос потыртасыт. Тот тән палтаныл некоммерческий организацият рұпитәгыт, мирн савсыр щирыл нётәгыт. Борис Хохряков ләвыс: «Ты хөталмән савёмастәлат урыл потыртасув, халувт элалы акван-нётхатым рұпитаңкве патәв. Югравт тит сөтыра арыгтем некоммерческий тәлат вәравет, тытыл акв сөтыра нёлловсәт организацият мән ныврамыт, яныгпала хөтпат магсыл рұпитәгыт. Ань яныгсәт атпан организацият округ миркол пәлыл олныл мивет, ты савсыр грант

ос субсидия олныт. Ты рұпата ос акваг элалы вәруңкве патылүв».

Сапрәни элы-пәлт Дума кұщай Борис Хохряков нәпак тартым хөтал урыл потыртас ос округут өлнэ мирн пұмашипаләтың ләвыс. Тав ләтңе щирыл, мән мавт нәматыр лөль ат ёмталас, пуссын ёмшакв рұпитасыт. «Единый Россия» партияныл округ Думан тит депутатыг пәриявёсыг, ты Ирина Урванцева ос Александр Зеленский. Ұсытын ос павлытын миркол кұщайт пәриявёсыт, 111 хөтпатныл 98 ты партияныл махум тув патсыт.

Галина КОНДИНА

МҮЙЛЫН ХӨТАЛЫТ

Ас махум газетаныл тартнэ пәсыл 60 талыг та ёмтыс

Мән округувт тит газетат шән ләтңыл тәратавөг: «Лүймә сәрипос» газетат мән мәньщи ләтңыл хансылүв, ханты махум ос танти ләтңыл «Ханты ясаң» газетаныл хансыяныл.

Ты тал ты нәпаканыл тартнэ пәсыл хөтпан талыг ты ёмты. Мак яныг ялпың хөталаныл яныг таквс этпост олы кос. Ос кұшаит ты ялпың хөтал мән таквс этпост вәруңкв ләвсаныл. Ты кастыл ань сәвсыр мәныл финно-угорский журналист махум мүйлуңкв үсувн тах ёхталэгыт. Ос ты газета хумус вәруңкв патвес, редакция кұшай нә Раиса Решетникова тамле потыр хансы.

1957 тал мән таквс этпос 5 хөталэ

Та порат округ мирколт КПСС окружком бюро рүпитас. Тот рүпитан кұшаит та хөтал тамле хүлтнэ приказ-нәпак хассыт: «Ленин пант хуват» йильпи газета вәруңкв эри, кұшаитот М.Н. Му-сиенко вос рүпиты.

Тавән нётнэ хөтпаг Григорий Дмитриевич Лазарев олыс. Ты ханты ойка войнан то-тыглавес, тот тақыш

сакватәлвес. Олмёт мәглэт мөталит акваг оныщис. Тав 1972 тал мус туп рүпитас, тувыл элаль рүпитаңкв ат патыс, нюлмиянэ акваг агмыңыт олсыт.

1969 талт газетан рүпитаңкв Евдокия Андреевна Нёмысова ос Алексей Михайлович Сенгепов ёхтысыг. Тит тал миам юи-пәлт Мария Кузьминична Волдина тув вөввес. Тав юи-пәлт Таисья Степановна Себу-рова рүпитаңкв патыс. Ты махум ёраныл хосыт ханты мир газетаныл янасыг тәратаңкв та патвес.

Тәнанылн үст өлнэ ханты махум ос нётсыт. Та порат сосаң махум шән ләтңыл ёмашакв потыртасыт, потраныл ман ляххаланыл пәс ләтңыл хассаныл. Ты йист мәньлат махум потыртәлэгыт, пәс газетаныл сака пұмыш ловиньтаңкве ос сунсыглаңкве.



М.К. Волдина

Газетаныл йильпи намыл майвес

1990 тал яныг таквс этпост округ миркол кұшаитн «Ленин пант хуват» газетайильпинамыл хансуңкв ләввес. Тонт ты газета «Ханты ясаң» (мәньщи ләтңыл – «Ханты ләтың») нама-ясаныл. Та порат сосаң махумн Новомир Борисович Патрикеев сәв нётыс. Тав «Новости Югры» намба руш газетат кұшаиг олыс.

Та тәлытт газетат рүпитаңкве сака тәрвитың олыс. М.К. Волдина ос Т.С. Себу-рова тәнттетән рүпитасыг. Тованақт үст өлнэ ханты махум нётсыт – Татьяна ос Тимофей Молдано-вы, Светлана Кононо-ва. 1994 талт Реональда Ользина рүпитаңкв ёхтыс. Ань ты хөтал мус тав газетат ляххалыт хансы. Рүпитан махум халт тав ты шар сәв тал рүпиты.

Ань рүпитан хөтпат урыл

2002 тал пәсныл ханты газета кұшаиг Раиса Германовна Решетникова олы. Тав этә сәв мәньлат нәквет



Т.С. Себурова

рүпитэгыт, пуссын лов арыгтем тал – Людмила Спирякова (Шульги-на), Надежда Рагимова (Новьюхова), Надежда Вах (Молданова), Ирина Самсонова (Новьюхова), Ульяна Данило (Молданова). Ос акв хум – Владимир Енов.

Нәпаканыл этпос сыс тит щёс тәратыяныл, хөтхуйплов лөпс оны-щи. Тән сәвсыр мәнь павлың мән ялантэгыт, сәв пұмыш потыр, нётнэ хури газетанылн вәрэгыт.

Мөтыт этпос 3-5 хөталанёт тән ялпың хөтал вәрэгыт. Газетаныл рүпитан махум округ мирколт янытлаңкв патавет. Ты урыл мән мөт газетат тах хансәв.

Мән, мәньщи газетат рүпитан махум, тәнаныл ос янытлыя-нүв. Сәв тал аквёт рүпитәв, тәнанылн пуссын ёмашакв вәганүв. Төрүмн, Отыранылн вос үргалавет, пұстагыл вос өлэгыт, кәсың хөтал ёмас номтыл рүпатан вос ёхталэгыт. Ос шән ләтңаныл янытлым элаль вос тотыяныл. **Валентина ХОЗУМОВА**



«Ханты ясаң» газетат рупитан махум

Ялпың хоталыт тав маныщи супыл масхатыглы

Ты тал маныполь этпост Хальўст маныщи
ос ханты махум магсыл ханищтап
варыглавес ос савсыр павлытт олнэ
маштыр нэт хорамың супыт юнтуңке тув
воыглавёсыт. Ты семинар рупитам порат ам
Надежда Ивановна Слинкина ёт вайхатасум,
такви опарищ наме тав Хозумова. Маныщи нэ
Белоярский район Полноват павылныл тув
ёхталас.

Надежда Ивановна сав тал школат рупитас, няврамыт руц латңыл ханищтасанэ. Кит тал ювле хультум порат тав пенсиян минас ос юнхсатуңке, сакныл хартуңкеосмотширыл маштырлаңке вуйхатас.

Маныщи нэ Хальўс район Саранпавылныл олы. Та павылт тав яныгмас, школа асламе юи-палт элалы Тобольск усн учителиг ханищтахтас. 1986 талт институт аслам ос Белоярский район Полноват павылн няврамыт ханищтаңке кетвес. Та пасныл маныщи нэ тот олы. Полноват павылт тав хум варыс, ойкатэнтыл кит няв-рам янмалтасыг. Аги-тэн Тюмень уст олы. Та уст тав университет ханищтахтас, тувыл рупата хонтыс ос олуңке тот хультыс. Пыгён Екатеринбург уст университетыт ханищтахтас, асламе юи-палт ос та усн олмыгтас. Нявраманэн тэн палтэн муйлуңке ань ёхталэг. Маныщи нэ рутанэ Саранпавылт олэгыт, тан палтаныл ойкатэнтыл ос яланталэг.

Надежда Ивановна рупатаныл похын хунь минас, нас

тэла тал унлуңке ат патыс, маштырлаңке овылтахтас. Тав лавыс, няврамыт ёт рупитым юнхсатуңке, сак хартуңке, савсыр маснут сагуңке ат алымас.

Ты вэрмалы урыл маныщи нэ тох потыртас: «Акв порат ам Ханты-Мансийск усн Евдокия эщум палт муйлысум. Тав сав тал та уст олы, «Югория» намба радиот маныщи латңыл передачат вэри. Тонт Евдокия маныщи суп юнтыс, эщум нупыл сунсым ос юнхсатуңке тахмаясум. Лапканялсум, тёр ёвстум, Евдокия анумен маныщи суп йинуңке нётыс. Ты юи-палт ам ты рупатал пумцалахтуңке патсум ос юнхсатуңке овылтахтасум. Овыл супум хораманэ, улпыл, ат тэлсыт, улпыл, люльсаң юнтсанум. Мот суп юнтуңке ань таңхегум, хорам юнтнэ торт ёвтэгум ос маныщи хансаттув юнтэгум. Ань аканит юнтэгум, тох ханищтахтэгум.

Ман павлувт «Сорни сак» намба кружок рупиты, ам тув акваг ялантэгум, мотнэхотпат ёт юнхсатэгум. Нэ хотпат маштырлаңке Людмила Васильевна Тополева ханищтыянэ. Белоярский район



олнэ маштыр хотпат ос акван-атыглавет. Ты элы-палт тамле ханищтап Белоярский уст варыглавес, Полноват павылт олнэ махум ос тув воыглавёсыт. Ам ханищтахтуңке тан ётаныл ос ялсум.

Амки школан ялантамум порат юнхсатуңке ос мотширыл маштырлаңке ман Евдокия Александровна Ерныхован ханищтавесүв. Тонт тав Саранпавыл школат няврамыт ёт рупитас. Ман агитпыгыт кит группат уртым олсув, аквагуйхул пусмалтаңке ханищтахтасыт, мотаныт Евдокия Александровна палт ялантасыт. Тав ётэ ман сакныл сакквалыт, турлопсыт хартсүв, салы совныл савсыр сувенирыт вэрсүв.

Омам маштырлаңке сака хасыс, матыр-ати пуссын вэруңке вёр-

мыс. Улпыл, тыи магсыл ам ос эщум юнтсатуңке овылтахтасмён. Увчим ос Белоярский район Верхнекалымский павылт олы. Тав пенсиян миннэ поратэ кос ёхтыс, тувыл иң рупиты. Рупитым юнхсатуңке ос маштырлаңке, улпыл, ат алымы. Мань эщум Саранпавылт олы, ос рупиты, тэлатэ тувле нупыл иң атим».

Надежда Ивановна Полноват павылт олыглан ялпың хоталытн акваг яланты. Та мат олнэ ханты махум «Тылащ пори» янытлэгыт, пурлахтуңке акван атхатыглэгыт. Полноват павылт олнэ мир та хоталт пуссын акваёт муйлэгыт. Уринэква хотал янытлаңке павлың мир акван-атхатыглэгыт. Надежда Ивановна тув ос воыглаве.

Людмила ТЕТКИНА

Нянь урыл пёс потыр

Няврам мaнь тaгыл сaкпaкыг oлуҥкв
Нхаништaвe – мaтыр-aти пувиньтaҥкв,
щaнь-aщ лaтыҥ хуҥтлaҥкв, нeтунҥкв мaнь тaгыл
лaвaвeт.



Акв тамле пёс потыр олы, нянь урыл. Ты потыр няврамытн потыртан магыс олы - нянь

мори ул вус топытэгыт. Пасан ватат няньсакв сулигтаҥкв ат рөви. Тэнэ маңыл астетгын – пасан пөх тара хотхосыглатуҥкв эри. Колкант няньсаквыт ул вос поваралэгыт.

Пёс махум лавегыт, эрттум, нимсарэква няньсакв Төрүмн нөх-тотытэ. Нөх-миннэтэ сыс няньсакве пус нянь-палыг ёмты. Нөх-ёхты, Төрүм-Ащ нупыл лави:

- Ёлын олнутанын такем щёлыҥыг ёмтмыт – пус нянь-палыл пахвт-



хатэгыт, нусаг лавён!

Таимагыс нусаг ул вус патуҥкв – акваг эри нювсаҥкв, рүпитаҥкв, сыстамыг, сакпакыг олуҥкв эри. Нянь мори ат таи пахвтуҥкв.

Овыл хурит Настя

Бахтиярова пёслым олы, тав Керасколыҥъя павылт аканянэтыл ёнгасы. Китыт хурит тав щәне Елизавета Павловна Бахтиярова.

Анна АЛГАДЬЕВА,
Хулюмсүнт павыл

Тэк павыл мащтыр нэ

Ты хурит ханты нэ Майя Арсентьевна
Бурлак пёслым олы. Тав ётэ ам Сургутский
район Русскинская павылт вайхатасум. Туяг тот
сaлыл кaснэ вaрмaль oлыс, тa порaт тa aквaн-
хoнтыгпaхтыглaсмeн, пoтpамaсмeн. Нaн aнь
eлaль тaв пoтpe лoвиньтeлbн.

Ам Хальүс район Тэк павылт самын патсум, тот яныгмасум. Атям Арсентий Григорьевич Аятов Пугоры павыл-ныл олыс. Олме палыт хул алышлас, салы урим яласас. Омам Мария Герасимовна юн колсори рүпата вaрим олыс. Мaн caт нaвpaм cамын пaтcуv, пycсын xoт-aтиxаништaхтacуv, щeмьяҥыг eмтcуv.

Тэк павылт школа аетламум юи-пaлт, ам Тюмень үсн минасум, тот училищат тeнyт пaйтнэ нeг хаништaх-тacуm. Тувыл 1987 тaлт хаништaхтын пaлыл Кoгaлым үсн кeтвeсyм, тa пaсныл тoт oлeгyм. Oйкaмeнтыл кит aги янмaлтacмeн. Яныг aгимeн хyм вaрыс, рyпи-ты. Мaнь aгимeн Тюмень үст строительный ин-

ститутт хаништахты -Майя Арсентьевна, нащaнь лaтҥын вaг-лын, пoтыртeгын?

- Амти лaтыҥaтeм хyмyс aт вaглyм?! Мaк eмaщaкв вaглyм, пoтыртeгyм, aгиягyм eт мaнь тaгыл пoтыртacуm хaнты лaтҥыл. Тeк пaв-лyмн вaтиxaл ялaнтa-лeгyм, яныгмaм мaтeм caкa эpуптылyм. Ятил яныгxoтпaнyв, хaнты мaхyмaтeнyв caкa яныт-лыянyм. Тaн oлнeныл тoрыг нaвpaмaгyм тyв aквaг тoтыглыягyм, вoс cунcэг, вoс вaгтeн, aнь мaн миpуvt мaнхyрип мa-хyм oлeгыт, мaныр вaгыт, мaныр yрыл пoтыртe-гыт. Мaтыр китыглaх-тын лaтыҥ oныщeгтe, вoс китыглaхтeг.

Ам яныгмамум порат Тэк павылт пуссын щaнь лaтҥыл пoтыр-



тасыт. Та порат мөйт ванэ хотпа сав олыс. Мaн, нaвpaмyт, хaнты лaтҥыл cав мoйт хyлыглacуv. Aнeквaм Мaрия Ивaнoвнa Нeтти-нa oс cав мoйт мaнoс пeс пoтырвaс, мa-нaвнaквaг мoйтыс. Яныгxoтпaнyв aм пycсын нoмиaнyм, кaстaлыaнyм.

Майя Арсентьевна aнь yсыҥ мaт oлы. Лыпaщ щeс oщнeтэ порат кaтыл мaтыр мaщтырлы – cакныл сыpесыр пoрмaсыт xарты, cэтaпыл мaснyт caги. Лaви, юртaгиянeт

бассейн колн пувлуҥкве ялантэгыт, тэлы порат ос ёсал тахсэгыт. Пёслын хусапсове хөт-ати акваг ёт тотыглытэ, матыр акваг пёслы, тувыл хурит вaри. Мaйя Aрсeнтeвнa aнyмн нeтнэ хyсaпcов мyйлyптac – тивырн cакныл xартум хoрa-мыҥ лyптaт пинyм, тaтeм мaщтырыгвaрмa-нэ. Тaвeн aм пyмaщипa лaтыҥ лaвcуm. Ты ятил coccaҥ нeквe cав тaл пycтaгыл вoс oлы, Нaй-Отырaнeн вoс yргaлaвe!

Светлана МАТВЕЕВА

Самын патум мәкем сака эруптылум

Елена Рокина, мәнлат саран нә, Хальүс районт сав махумн вәве. Нәкве нәмхуньт акв мат ат үнланты, акваг матыр вәри, мәнүтагыл кәркамыг өлуңкве ханищтавес. Омаге-әтяге Варвара Прокопьевна ос Афанасий Андреевич Хатанзеевыг сәлыңколт рүпитасыг ос ат нйврам янмалтасыг. Лена ос нила әпщиянә сәт тәланьл төвлынәныл мус сәлыңколт яныгмасыт ос тувьл Саранпавьл школан тотвёсыт. Ётыл ущ колтәглыл павьлн өлуңкве вәнтлысыт. Ань омаге-әтяге пенсиян патхатсыг.



Елена ойкатә ос нйвраманә ёт



Лена школа әстламе Луюи-пәлт өвләт Ханты-Мансийский педучилищат ханищтахтүңкве патыглас. Акв тәл тав Ханты-Мансийскат педколледжит музыкальный отделеният сәңквълтаңкве ханищтахтас.

Тувьл мотыт таквсы акв әпщитә щаквыт әтимыг ёмтыс, әги юв минас. Тот опатә сака тәрвитыңыг ос ёмтыс, таве пусмалтан мәгыс әги юн та хультыс. Ётылнүв нәпаканә ювле виңкве үсн ялыс, юил яласым ханищтахтын мәгыс заявление хансыс. Тох тав Санкт-Петербург үст лүимә махум ханищтахтын институтн ликмыс. Тот культуролог рүпитан хотпаг әстлас ос юв

ёхтумәт Саранпавьл музейт онтолов тәл рүпитас. Ты коньпал «Альянс» матумпәла хотпатн нәтнә колт мощрүпитасос «Поиск» наппа нйврамыт ханищтахтын колт рүпитаңкве патыглас. Тувьл мәнн нйврамаге ёт юн үнлыс.

2008 тәлт Коля пыге самын патум порат, хосат тәгыл оньщум номтә тәлаг вәруңкве номьлматасә. Тав нёрыт нупыл өлнә лёңх хосыт хотты мāt ёрнкол тўштуңкве ос өлнә колыт үнттуңкве акваг таңхыс. Тув махум мўйлуңкве тотыгланув ос тән тот ўщлахтынәныл сыс сәлы ўрнә махум өлупсаныл тәра паттынувыт. Ты тәлат тав юртнәтән Любовь

Алексеевна Филиппован потыртас ос таве нәтмил вәруңкве вөвыстә. Тав «Поиск» наппа колт олн ловиньтан хотпаг рүпитас ос савсыр эрнә тәлат вәганә. Тән проект щёпитаңкве патсыг. Овләт мәнлат нәг кит проект хансыгласыг ос нәматарыл ат та майвесыг.

Хүрмиттыг 2015 тәлт этнотуризм щирьл «Тропою древних предков» проект щёпитасыг ос нөх-патсыг. Туи сыс Приобье павьлныл Саранпавьл мус я хосыт мўй-лын хотпат акваг вос ёхталасыт ос тәнаныл нёр нупыл тах тотыглыяныл. Таимәгыс мўй хотпат павьлт өлнә колыт ос тәнә колыл щёпитаңкве эрсыт.

Пуссын ты вәрнә

тәлат өвылтыт Елена таи ләвыс:

- Ам мәнүтагыл сәлы янмалтан мāt өлуңкве тахсум кос, ос өлупсам мощ мот щирьл ёмтыс. Номсасум, хунь хум вәрёгум, тав тәксар хотпаг вос олы, нйврамыңыг ёмтымән ос ёсал ёмыгтаңкве патәв. Ёсал ёмыгтаңкве тай школат ханищтахтын пәсныл әнумн мўстыс. Пәвлувт спортивный тәлатн Иван Николаевич Вокуюевын ханищтавесүв. Омам школат ханищтахтаме порат ос тав палтә ёсал хайтуңкве ялыс. Тав касуңкве Хальүсн кәтыглавес, грамотал майлувес, ётыл ам аквтох ты тренерув палт ялсум ос нөх-патыгласум. Мән Иван Николаевичин сав мўтратын ханищ-





Нёрн ялум махум



Елена апицтэ ёт

тавесмён, тыитэ магыс ам таве сака эруптылум.

Това порат сака тарвит ол-ыс. Тувыл ты ойка лавум латчанэ акваг номылматыяну: «Матыр посың номт ке оньщегын, вермегын мат ати, наң та вармалъ элалъ тотнэ щирыл таксарыг олэн. Туп нэматыр ат тахнэ хотпа вагталыг олы, тавён сака тарвит олуңкве».

Ам туризм тэланум варнэм порат амки оцнэ номтанум магыс ёр пинсум ос тувыл тэлаг та варсанум. Андрей ойкам савсыр рупатат пувиньтахтуңкве хасы, машинал ос катерыл яласы, анумен нёты, нявраманув ёт уцлахтын мат ёсал хайтыгтаңкве яласэв.

Ань салы ўрнэ мат ат кос олэв, ос та пёс олупсав муй махумн суссылтылүв. Саранпавылт олнэ махманув нёр нупыл ялуңкве вовыглыанүв.

Салы ўрнэ хотпаг олуңкве ань яныгнув пыгмён Колямён сака таңхи. Лави: «Нан касащегын ман ати, ам салы ўрнэ хотпаг патэгум». Тавётыл тарвитыңыщ олмумт проектум щёпитасум, ты овылтыт амки ос сав номсысум

ос та номтум тавён улпыл та хульыс.

Акви апищам Алексей салы ўрнэ хотпаг рупитанув кос, лави, тамле хотпатын савнув олн ойтвес ке, тав ань миннув. Тувыл нётэ шар ат касащи, щемья тал тот сака тарвит, нёгыгн-хумыгн тот акваг-нётхатым олуңкве эри. Апищам ань туристыт, кина послын хотпат ёхталан порат нёрн ялуңкве акваг вовыглаве, тавта ма ёмщакв вагтэ. Ман маньтагыл салыңколт яныгмасүв, та мат нупыл акваг тотыглавесүв.

Этнотуризм проект тэлаг варнэм магыс апищияну, омамен, атямен, ойкам рутанэн сака ёмщакв нётвёсум. Овлёт Саранпавылт муй хотпат олнэ кол ос тэнэ кол варуңкве эрыс. Тонт ман тас кол ёвтсүв ос манки ёрувтыл тэнэ кол ос ётыл муйкол хотщёпитасүв.

Тананыл щёпитанёв сыс нёр ляпат уцлахтын колыт ўнттын ма киссүв. Тамле ма Усть-Пуйват хонтсүв кос, ос эрнэ нёпакытакван-атуңкве, савсыр кущаит ёт потыртахтым талув тот та оигпас. 2016 талт вортур этпост пуссын ты тэлат ёмщакв щёпитанёв порат, тот уцта ёрнкол

тущтысагүв ос кит кол ўнттысүв. Хум хотпат кол ўнттысагыт, ман ос нэ хотпат ёрнкол лаппантнэ совья юнтсүв. Лащалт тах мот яныг колыт ўнттэв. Ань тыг мус тув ўсың махум хул няслуңкве ёхталасыт. Манки рут махманув тув уцлахтуңкве ялантэгыт, матыр колсори рупатан ос пувумтахтыглэгыт.

Ам номсыкёмт, Апавлың махманум уцлахтын магыс ос вос тув ёхталэгыт. Овлёт Саранпавылт ман мань тэнэ кол пүссүв, муй хотпат салы нёвлиң тэнут акваг китыгласыт, таимагыс ман салы нёвыль исмит пайтуңкве патсүв. Тув павылт олнэ махум тэңкве манос магың нянь ёвтуңкве щалтапалэгыт.

Ётыл павлың махманув пүри варнэ, намхоталаныл варнэ лошит кол китыглаңкве патсыт. Ман тонт кафе-кол варуңкве номылматсүв. Манки пёс кол ёвтсүв ос тавещёпитаслүв. Вортур этпос нёлоловит хоталт уц асталсүв ос лов хоталёт махум пүри тот варсыт. Тан магысланыл молямтахтасүв. Тэнут лапкат манки ёвтэв, пүт пайтэв, пасаныл вариянүв.

Рупата сав кос, ос

воссыг хоталь вархатэв. Махманув ман палтув ёхталаңкве касащегыт, манавн ос ёмас. Ань това матумпала хотпат рупитаңкве вуйлыанүв. Тан муйколыт колсори рупата варёгыт, колкан ман анысаныт ловтэгыт, түйт хилэгыт. Тох сакати мощ олн сэлэгыт, тан мирн нётнэ департамент палыл олныл ойтавет.

Анумен Любовь Алексеевна сака нёты, ам махум нёрн тотыгланэм сыс, тав тыт кит тэнэ колыг халт рупиты. Тэнут пайтнэ ос колсори рупата варнэ хотпат ос ёмщакв рупитэгыт. Тамле рупатат ман сав олн ин ат сёлыгласүв кос. Овил грант-олн вуйламув ос олнанув хоталь холтманув магыс отчёт варсүв, арнтаг ат хулытсүв.

Мот проект щирыл молн-нётмилвиңкве ань ат вермёв. Тув ань манкинавн овлёт олн ойтункве эри, тувыл уц нётавёв. Ман ань матсавит солкови ке сэлэв, та олнанувтыл манки тэлав элалъ тотуңкве та патылүв. Самын патум матем ам сака эруптылум ос тыт олнэ махманув щагтым вос олсыт, тан магысланыл кас варёв.

Тамара МЕРОВА

Тав сав эрнэ тэла вāрыс

Акв хөтал журналистыт Арүпитан колн Новомир Борисович Патрикеев ёхталас, вёртур ётпос 31 хөталёт тав 85 талэ төвлыс. Ты хөтал кастыл ойка ат сāmпа пōсыл щёпитавес, ты ётпос нёлолов хөталёт «Геология, нефть ос газ» музей колнорыт онтсыл пōсэ нōх-вāрвес.

Новомир Борисович вāt нупыл сāt тал (1970-1997 талытт) «Ленинская правда» (ань тав лававе «Новости Югры») газетат пуңкотыс. Ты ёлы-пāлт «Красный Север» газета вāрнэ колт кўщай вāңын хумыг олыс. Журналистыт халт тав намың-суиң хөтпа, «Заслуженный работник культуры России», кавалер ордена Дружбы, краевед-исследователь, историк, «Заслуженный деятель науки Югры» ос мōт яныг намытыл майвес.

Тав 1932 талт Обторскыт (ань Салехард ўс) самын патыс. Школа асламе юи-пāлт Москва ўст К.А. Тимирязева нампa сельхозакадемият хаништахтас. Тувыл Свердловск ўст высший партийный школа ос аспирантура а́стлас. Ямал мāt сав тал комплексный опытный станцият научный сотрудиныг рўпитас. Тапоратты о́выл потра-нэ газетан хансуңкв патсанэ. Лўи мā-вит урыл хансыс, хўл алышлан, вōраян урыл пўмыщ потрыт щёпитас. Тав мāньтāгыл



Новомир ойка янытлаве



М.К. Волдина, Н.Б. Патрикеев ос А.С. Глухих

ўйхулыт сака янытлыянэ, ўргалыянэ. Юн савсыр а́мпыт о́ньщи, янмалтыянэ. Вōраянкве акваг ёт тотыглāлсанэ. Тāн ураныл сав потыр хансыглас. Хунь «Новости Югры» газетат рўпитаңкв патыс, кāсың ётпос «Клуб охотника» лōпс хансыс. Таимāгыс газетаныл Всероссийский общество охраны природы нампa мēтaлил майвес. Новомир Борисович ляххал тот-нэ хөтпатын китыглавес, ёлнаң тāн хумус рўпитасыт, мāныр урыл хассыт? Тав ювле тохлāвыс: «Тōнт округт о́лнэ мāхум газетан сака сав пищма хансыгласыт. Кўщайтн ат те хўнтлавет, ат те нётавет, редакциян тāра потыр-охса хансумтёгыт. Тувыл мāн, газетат рўпитан мāхум, кўщайт палт минёв, пищма урыл потыртёв. Тāн мāнавн сака хўнтлысыт, кāсың хөтпан нётуңкв лāвхатсыт.

Кўщайтн нас тох ат агтсўв, мощ ётылнуве тāн палтаныл нёгылттахтёв, китыглахтёв, аман тай, сōль, та ёлумхōласн нётсыт, вāрум рўпатаныл урыл мāнавн ювле пищма вос хансёгыт. Тōнт мāн окружком партии пāлыл нётвесўв. Таимāгыс кўщайт мощ пилсыт, мўсхал щирыл рўпитасыт».

Ты ойка рўпита́ме порат мāн «Лўимā сёрипос» газетав вāрвес. Тōнт ханты газетат Мария Кузьминична Волдина пуңкотыс. Мāньщи газета ань

я́нас щирыл вос ёмты, янытёттуп мāнти лāтнувтыл вос хансылўв, ты мāгыс тēн кўщайт палт ялантасыг, пōйкщасыг. Тувыл хунь тāн кāсaщасыт, тēнты катпос пинсыг. Ты юи-пāлт газетав я́нас вāрункве та о́вылтавес.

Мā-вōй нōх-винэ тэла урыл газетат тāн сака сав потыр хансыгласыт, тот рўпитам мāхум пуссын янытласаныл, газета хосыт тāнанылн сав ёмас лāтың кётсыт. Ойка лāви, тōнт «Новости Югры» газетат сака номтың, мўтраң нёт-хумит рўпитасыт. Нэматарыл ат пилсыт, хотталь эри те ялуңкве, матыр тэла урыл хансуңкве, кётыянэ, та минёгыт, пōри лāтың ат лāвсасыт. Ты Владимир Андросенко, Михаил Муратов, Альбина Глухих, Валентина Патранова, Евгения Никитина, Надежда Чуманова ос мōт сав кāркам хөтпат. Тōваныл ань тыхөтал мус рўпитёгыт, ляххал-потрыт хансёгыт.

Новомир Борисович хунь ат сāmпа пōсэ музей колноранэ онтсыл нōх-вāрвес, тох лāвыс: «Ты пōс туп ам пōсум хунь, мā-вōй нōх-винэ тэла о́вылтыт сав журналистыт ос писателит хансыгласыт. Тāн ос ам хольтум нёпак, хаснэйив, фотоаппарат ос магнитофон ёт яласасыт, хāйтыгтасыт, хассыт. Ты пуссын аквё́т мāн пōсув. Пўмашипа!»

Светлана РОМБАНДЕЕВА

Аквѣт нѣврамыт ханищтѣгыт

Вортур этпос юи-овыл хоталанѣт Хальѣс район Ягрим павылт ос Октябрьский район Лѣи Нѣрихумит павыл школат «Развитие этнокультурного образовательного пространства Югры: актуальные задачи и эффективные практики» нампa ханищтапыг вѣрыглавѣсѣг. Тув округ янытыл щѣнѣ лѣтың ханищтан хѣтпат акван-атыглавѣсыт ос Красноярск, Санкт-Петербург ѣсыгныл тѣнки рѣпатаныл ѣвылтыт потыртаңкве мѣй хѣтпат ѣхталасыт.



Өвлѣт Ягримт хѣт хѣтпа докладаныл ловинѣтасыт. Тан хоты мѣт щѣнѣ лѣтың ханищтан ос пѣс ѣйс накыт ѣлалѣ тотнѣ программат хумус рѣпитѣгыт, ты тѣлат мѣгыс кѣщаит маныр вѣрѣгыт, пуссын ты ѣвылтыт лѣтың лѣвсыт. Владимир Минов, Красноярск ѣсныл ѣхталам хум, та ѣрт ѣлнѣ соссаң нѣврамыт ханищтахтын тѣланыл урыл потыртас. Санкт-Петербург ѣст лѣимѣ нѣврамыт ханищтахтын институтт рѣпитан хум Игорь Набок, сѣв мѣт хѣн мѣт ос лѣимѣт тѣрапаттум этнокультурный тѣлат тѣрапаттыс остаитхѣлтыс. Округувт тамле тѣлат ѣвылтыт

Ольга Кузнец потыртас. Тав анѣ образование ос мѣнылат махум тѣлат ѣт рѣпитан департаментыт соссаң нѣврамыт ханищтан вѣрмалит палт пуңктотнѣ нѣг ѣлы.

Мѣтыт хѣталт мѣй махум Лѣи Нѣрихумит павылн тотыглавѣсыт остотщѣнѣлѣтың ос пѣс ѣйс накыт ханищтахтын сѣт мѣщтыр-уро-кыт суссыт. Нѣн ты вѣрмалит сунсуңкве кѣсашѣгѣн ке, нѣнки ищхѣпыңутхосытвидео хѣнтуңкве вѣрмегѣн. Таимѣгыс ты ханищтап наметув хансѣлын остох кихсатѣн.

Майя МАКАРОВА,
образование интитутт
рѣпитан нѣ, кѣтум
лѣххал мѣныщи лѣтңыг
Тамара МЕРОВА

Ѓги кѣсың тѣл мѣныщи павылт ѣщлахты

Ты туи порат Инесса Князева Хѣнтаң мѣт Силава мѣныщи павылт «Юрсил» нампa этнолагерит ѣщлахтас. Ѓги хѣт тѣл сыс кѣсың туи тув яланты. Щѣр ѣвлѣт оматѣн та мѣныщи павылн ѣщлахтуңкве хунѣ кѣтвѣс, ѣги тув минуңкве щѣр ат кѣсашѣс, лѣюнычим тув минач.

Анѣ та пора номылматыглым, ѣги лавыс: «Тѣнт ам аты вѣслум, хумус Силава павылт пѣмыщ ѣщлахтуңкве рѣви. Анѣ кѣсың тѣл тув ялуңкве воратѣгум. Ты тув «Юрсил» нампa лагерит хѣрум смена рѣпитас, ам хѣрмит сменан ѣхталасум. Ты ѣлы-пѣлт рѣпитасум, тѣи мѣгсыл ѣщлахтуңкве тув ат ялсум. Силава павылт ам юртанум ѣт вѣщинѣтахтѣгум ос мѣт ѣгит-пыгыт ѣт вѣйхатѣгум. Тот мѣн мѣныщи ѣйквыт ѣйквуңкве ос ѣргыт ѣргуңкве ханищтавѣв. Ос пѣс ѣйс вѣрмалит сѣв мѣт ѣрнѣ ос пѣмаш вѣрмалит потыртавѣв. Тѣи мѣгсыл ам тот ѣщлахтуңкве ѣруптѣгум».

Инесса Урай ѣст ѣлы, колледжит китыт курсыт ханищтахты. Ты

кѣныпал ѣги сѣлың сун ѣлтта порги, сѣграп пѣхвты, ошѣа ѣйв ѣт хѣйтыгыт ос акв мѣныл ѣлалѣ порги. Урай ѣст тав «Старт» нампa каснѣ колн яланты. Та колт нѣврамыт ѣт Александр Владимирович Семенин рѣпиты ос ѣгит-пыгыт соссаң махум хѣлт касуңкве ханищтыанѣ. Инесса ѣлпыл ханищтахты, ѣтипѣлаг хѣйтыгыт, сѣлың сун ѣлтта порги ос сѣграп пѣхвты. Соссаң махум хѣлт касуңкве руш ѣги нила тѣл ханищтахты. Тавѣн тув ялантанѣкве ос мѣт нѣврамыт ѣт касуңкве мѣсты. Ты тѣл округувт ѣлнѣ нѣврамыт Белоярский ѣсн касуңкве акван-атыглавѣсыт. Урай ѣст ѣлнѣ ѣгит-пыгыт ѣс тув ялсыт. Тѣнт Инесса 7,90 метра палытан порыгмас ос



Инесса Князева ѣнлы

мѣт нѣврамыт халт хѣрмит мѣста вис. Анѣ кѣсың тѣлныл сѣвнѣв ѣгит-пыгыт касуңкве ѣхталѣгыт. Ѓгилѣвыс, тамле каснѣ вѣрмалит ѣлы-пѣлт акваг хѣйтыгтаңкве, поргуңкве ѣри, туп тѣнт мѣт нѣврамыт халт нѣх-патуңкве рѣви.

Людмила ТЕТКИНА

Тан пёс олупса номияныл

Свердловский область Тавда ўст акв сака пұмыш ос эрнэ
скол олы – «Музей лесной и деревообрабатывающей
промышленности». Тот кәркам, мұтраң нэквет ос номтың,
тәксар хум хөтпат рұпитәгыт. Кұщаиг Ирина Владимировна
Евдокимова тав олы. Ты сака сымың нә, тот олум мәньциянұв
өвилтыт сав ёмас латың лавыс, мәньщи пормасыт суссылтас.

Мәньхәп, түп, сәңквилтап,
лувың сун, мәньщи суп ос мот
маснутыт манос оцнұтыт ак-
ван-атманыл, кол сәмн пинма-
ныл ос тәват колнор онтсыл нөх-
тагталаманыл. Тот рұпитан нә
Ольга Александровна Ефремова
музей урыл потыртас, нән ань
элаз тав потре ловиньтәлын.

– Ты музей 1972 тәлт рұпитаң-
кве патыс, пормасыт өвләт пёс
колт оцшвёсыт. Тыт ос ханищ-тах-
тын кол олыс, хунь ийльпи школа
ўнттұвес, нәврамыт пуссын тув
вәнтлысыт. Музеюв тыг тұлвес –
яңк нәтнә этпос 6 хөталәт 1975
тәлт ўс мир мәгыс кол авитә та
пүсвес. Тувыл 1985 тәлт ты му-
зей ийльпииг щёпитаңкве но-
мылматвес. Кәтыл пөслын кит
хумыг – Александр Нестеров ос
Вячеслав Савин тән вуйхатсыг,
нила тәл рұпитасыг. Кол тивре
янытәт пәртытыл рәтыстән, ёр-
гим ийвытыл хорамтастән. Хунь
юв щалтәгын, эрттам вөрн ёхты-
сын – ўлыпат лүлөгыт, тованыл
халт хөтал кәт посты.

Ты музейт шар өвил пормас –
тарыг ийвсуп охса олыс, ләкванә
хосыт тәра-паттұвес, вөрттав на-
сати 200 тәл арыг лүлюм. Мән
вөрүвт тарыг – ты мак ийв, руш

щирылләваве : «Жемчужина Тав-
динского леса». Тарыг савың-
пәлә нас ўнттәв, такви ос яныг-
ми. Тыт колыт яныгш ты ийвныл
ўнттавет.

Соссаң мәхум

Ты мәт өвләт туп мәньщи
мәхум олсыт. Сөтыра арыг
тәл ювле хультум порат тан
тыг олмыгтасыт. Таимәгыс
пуссын пәвлыт, ят ос түрыт тан
ләтҗанылтыл намаим өлөгыт.
Тавда – ты ос мәньщи нам. 1970
тәлыт порат Янычково пәвыл
ляпат учёный мәхум мә хилсыт
(раскопкат вәрсыт), эрнә пёс
пормасыткиссыт. Төнт Уй ийквнә
мә хонтыгласыт, мәньщи мәхум
насати тамле янас мә оцмыт.
Сәвсыр анысәныт, алыщлапыт,
тулят ос мот сыре-сыр пормасыт
хонтыгласыт. Мән тыт сав хурит
оныщев, мәньщи нәт ос хумыт
пөслым өлөгыт – хул алыщлөгыт,
нәль вөртәгыт, хәпыл минөгыт.
Пёс порат нәтхум хөтпаныл хольт
вөраясыт.

Тытакв хури 1926 тәлт Городи-
ще пәвылт вәрима – нәт ләпта
вәрөгыт. Кит-хұрум колныл
атхатәгыт, акв колт лён-пум
таңрөгыт, мот колн минөгыт, тот
ос мощ рәтащлыяныл. Тувыл



Музей кол

пасанын пинияныл, нумыл
ийвөвлыл туящлыяныл. Хунь
кәмнями, ләптаг уш та ёмты.
Сәвсыр анысәныт, хусапсовыт
ос тәнти вәрсыт, хорамытыл
щуртсаныл, яктысаныл.

Мот мирыт

Рушит ос мот мирыт тыг
ниласәт тәл сыс ты ёхталәгыт.
Ювле хультум нотыт 1930-й та-
лыт порат кулакыг ләвим мәхум
Советский властин тыг ёрвәгыл
көтыглавёсыт – 11 сөтыра ляпа-
тем хөтпа, яныгш колтәгланыл ёт
ёхталасыт. Олнә кол атим олыс,
нәврамың мәхум ампарыт ма-
нос сохрипыт олсыт. Хум хөтпат
ос мәколыт хилсыт, кұрыт ўнтты-
сыт, тох хотмус та саваласыт.
Тәлы ащирмат рұпитасыт,
олнә колыт, пүльницат, школат
ос мот эрнә колыт ўнттысыт.
Мәхум та порат мұсхал щирыл
рұпитасыт, ёмас, тәк колыт
ўнттысыт. Тан олум пәвланыл,
коланыл лүтаныл ань ты хотал
мус ўнлөгыт – Мостовка пәвыл,
Матюшино, Карьер, Васькин
Бор, Еловка ос мот пәвлыт. 1920
тәлт Ленин ойка Указ хансыс,
тыт рұпитам кұщаитн көтыстә:

О. А. Ефремова ос воспитатель нә О. В. Деньгина нәврамыт
ёт ёнгасәг



О.А. Ефремова

«Ййв яктэн, Трудармия хосыт мот ұсытын кетэн». Ты мāt Трудармия олыс, тыг сāv мир ёрвāгыл кётыглавёсыт, тārвитың рұпатат рұпитаптувёсыт.

Тувыл 1941 талт яныг хонт овылтахтас, хумхотпатхонтлуңкв тотвёсыт. Ты мән ос депортировайтым мāхум тотуңкв патвёсыт. Тән тыт пуссын тārвитыңс рұпата вāрсыт – ййв яктысыт. Лесокомбинат мāгыс норыт тотсыт, пāртыт сылсыт. Норытлувылхартсаныл, мотұсыт нупыл я хосыт нāтылтасаныл. Лесокомбинат коньпал тыт Фанерный комбинат, Гидролизный ос Механический заводыг ұнттувёсыт. Нēхотпат хумхотпат ёт аквтем рұпитасыт.

Эрыг ос суйтыс

Репрессия, депортация ос раскулачивание тēлат порат тыг кётыглым мāхум халт номтың, мўтраң элумхōлас сāv олыс. Тән наманыл мән музейовт пуссын ёл-хансым онышиянув – лёккарыт, эргын хотпат, хаништан ос мот мāхум. Тән хосытанылт тыт эргын ос искусства школат ұнттувёсыт. Ты кārкам хотпат тōрум мāгыс нйврамыт хаништасыт, тән ётаныл сака сāv рұпитасыт.



Пайц



Ййв охсат суссылтавет

Рудольф Иоганович Пальм латыш манос эстонец олыс, нйврамыт цирковой тēлан хаништасанэ, тав акробат олыс. Дерингер опарищ нам ошнэ немец колтагыл заводыт рұпитасыт, эргуңкв ос ййквуңкв сака хāссыт. Искусство вāрмалы мāгыс сāv ёмас тēла вāрсыт. Савала-маныл тēпыл тән эргысыт, ййквсыт, пāвыл мāхманылн щāгт тотсыт. 1956 талт, хунь са-мын патум мāнанылн минуңкв тārтвёсыт, савыңпālэ ювле миңасыт. Тōваныл тыт хулытсыт, ань тыхотал мус олэгыт. Нйвраманыл тыт яныгмасыт, вāим, тыт ань тән Родинаныл.


Та тārвитың порат мән мāvт турманколыт ұнттувёсыт. Сāv тал тыг тасавит мир тотыглавес, саватавёсыт, тōват лылыяныл тыт та ойгпасыт. Ань ты тāлытт наскāссыг порслым мāхум тыг элы мāныл рутаныл ёхталэгыт, китыглахтэгыт, хот тән олсыт, хоты турманколт ұнлысыт. Тōват ловумтам хотпаныл мāгыс памятниктұштысыт. Тыурыл номсуңкв сака тārвитың, тыт мāхум, янге-мāне, шарнаскāссыг саваласыт, тох та Тōрум олсыт.

Вор ұргалаңкв эри

Музейовн школатныл ос са-



Женщины манси на охоте



Фанера тох ты вāраве

дикытныл нйврамыт акваг ёхталэгыт, тән нупланыл акваг лāвёв, ань вōрт кāсың ййвōвыл ұргалаңкв эри, шар мāнь ййв овыл нас тох ул сāгумтэн. Вōр – ты мән олупсав, мән лылыёпув. Вōр тал мән лылтуңкв ат вёрмёв, ййвыт тал мән вōтасын хот-таль нуясаптавёв. Тот кāсың ййвōвыл, кāсың лұпта эри, мāнь ман яныг ұй пāрыс мāгыс олы, хайтыгыт.

Хунь тох потыртэв, нйврамыт татем хўнтлэгыт. Ам ань олтем номсэгум, соль, рушит ос мāньшит вōр нупыл āти акв холт суссыт. Рушит нор колыт ұнттысыт, тēпкан мāгыс ййвыт хот-яктысыт, тāнанылн маныр эри, тувыл висыт. Ос вōрныл тай хурахласыт.

Мāньши хотпа мāгыс вōр – ты тав колэ. Тот тав кāсың ййв ұргалытэ, кāсың я ос тūr эруптытэ, хоталос этпосянытлытэ. Нāй-Отыранэ нупыл пōйкши, элалё ёмас номтыл олы.

Ань Ольга Александровна потре та ойгпас. Тав Екатеринбург ұст олнэ педагогический институтт математика учитель хаништахтас. Школат сāt тал рұпитас, тувыл музейн патхатас. Игорь ойкатэ сāv тал Лесокомбинаты рұпиты. Тән китāги янмалтасыг, сас бухгалтер-экономистыг рұпитэг, щёмьяныг ёмтсыг.

Музей овылтыт ты нēкве сака пўмшиг потыртас, кол янытэт суссылтастэ, кāсың колнак урыл янас потыр онышас. Тавен ос тот рұпитан хотпатын пўмашипа латың лāвёгум. Пуссын пустагыл вос олэгыт, сōт ос шунь вос оныщёгыт!

Светлана
РОМБАНДЕЕВА

Соссаң махманув хумус ӧлӧгыт

Раиса Каллистратовна Бардина маанавн кит ляххалыг потыртас. Тав ойтур ӧтпост ӧвлӧт Ижевск ӱсн ялыс, тот Россия яныгыл антрополог ос этнолог учӧныйт XII Конгрессаныл ӧлыс. Тӧн ӧлумхӧлас хоты мирныл ӧлы, та мире пӧс йис порат хӧт, хумус ӧлыс, маныр вӧрсыт, таит пуссын тӧра-паттыяныл ос нӧпакн хансыяныл.



Е.П. Мартынова, Л.В. Яркин ос К.С. Плеханова



Р.К. Бардина, Е.А. Пивнева, А.И. Лельхова ос Е.П. Мартынова

Ань осн-паттум вӧрмалит ӧвылтыт потыртаҥкве 600 сӧвит хӧтпат акван-хӧнтхатыгласыт, тӧват 37 мӧт хӧн мааныл тув ӧхталасыт. Акван-атхатам учӧныит магыс 54 янас потыртан колнакыт вӧрыглавӧсыт ос та махум таи хӧлтсыт, хоты мирыт пӧс наكانыл ӧлӧл ӧтотым ӧлӧгыт, хоты мирыт мӧт ширыл ӧлуҥкве патсыт.

Тувыл ты йильпи нотыт сӧв махум пӧс тагыл ӧлнӧ маананылныл мӧт хӧн маҥ ӧлуҥкве миыгласыт. Тот сӧвсыр мирыт халн тӧлыгласыт. Ос махум тӧнки халанылт юртыҥыщ вос ӧлӧгыт, ты тӧлат магыс

РФ правительство пӧлыл ос сӧв номт вӧраве.

Раиса Бардина та конгрессыт 42 секцият рӧпитас, тот лӧума мирыт ӧлупсаныл урыл потыртасыт. Тав хумус ищхйпыҥ ут хосыт лӧкква маӧт ӧлнӧ соссаҥ махманув ӧт вӧйхатас, тӧн урыл маныр вӧагыт, пуссын ты ӧвылтыт потыр щӧпитас. Тӧн ӧтаныл потырым, тав акв варум хуриҥ нӧпакӧт наманыл, самын патум маананыл ос рӧтаныл тӧра-паттыс.

Туи Раиса Каллистратовна кит учӧныит ӧт, тьи РАН этнология ос антропология инс-титутт рӧпитан нӧг

Елена Пивнева ос Елена Мартынова, хантыт ос маҥышит палт ялсыт. Тӧн Хӧльӧс, Белоярский ос Октябрьский рай-онытыт маҥ пӧвлыт пуссын уралытасаныл. Тӧн соссаҥ махманув ӧлупсал хосат тагыл пӧмщалахтӧг. Ань махманув йильпи ширыл манос аквта пӧс наكانыл ширыл ӧлӧл ӧлӧгыт ман ӧти, хӧл сӧв алыщлӧгыт ман ӧти – тыит пуссын тӧра-паттысаныл.

Сӧв маҥ ялманыл сыс сӧвсыр щӧмьят ӧт вӧйхатасыт, тӧва щӧмьят палт ӧлсыт. Тугияны пӧвылт тӧн Альбина Иосифовна Лельхова (Гришкина) колт мӧйлысыт, Ягримт Дарья Петровна Ермачкова палт ӧлсыт. Восыҥтӧрт тӧн Альбина Сергеевна Партанова ос Шайтанкат Елена Ивановна Лихачева палт хӧйгласыт. Шайтанка пӧвлын нӧ хотпат моторхӧпыл Александр

Павлович Мелентьевын тотыглавӧсыт. Лӧи Нӧрихумит пӧвылт Николай Плеханов колт ӧлсыт, Алы Нӧрихумыт пӧвылт Леонид Владимирович Яркин колн мӧйлуҥкве ялсыт. Хӧльӧст тӧн Агрепина ос Николай Коротаев щӧмьят ӧлсыт.

Ань ты хӧтпат тӧн яныг пӧмашипа лӧтыҥ кӧтӧгыт. Тӧн вӧрум рӧпатанылт сака ӧмщакв нӧтвӧсыт, хӧлыҥ тӧнутыл, тӧнки вӧрум нӧнил тыттувӧсыт. Тувыл пӧвлыт халт яласым, сӧв потрыт нӧпакн хассыт, ханты ос маҥыши махманув нӧтнӧ супаныл, пор-масаныл тӧнанылн сус-сылтасаныл. Тӧн сӧв хури пӧсаныл, ань ты хурияныл махманувн кӧтсыт. Ты нӧг сӧв вӧрмалыт тӧра-паттысыҥ ос хот-щӧгтым ювле та миначыҥ.

Раиса Бардина потре маҥыши лӧтыҥ Тамара МЕРОВА хансытӧ

Лӧумӧ сӧрипос

(Северная заря)
№18 (1156), 21.09.2017
Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Главный редактор –
Решетникова Р.Г.
Телефон (3467) 33-36-82

Заместитель гл.редактора –
Кондина Г.Р.
Телефон (3467) 33-22-72

Ответственный секретарь –
Узель В.В.
Телефон (3467) 33-23-09

Адрес редакции и издателя:
628011, г.Ханты-Мансийск,
ул.Комсомольская, 31
тел./факс (3467) 33-17-52

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:

ООО «Новости Югры-
Производство» г. Сургут,
ул. Маяковского, д. 14.

Подписано в печать:
по графику 21.09.2017 г.
в 9.00.; фактически
21.09.2017 г. в 9.00.
Индексы **04399, 54399**
Тираж **1750 экз.**

Цена свободная
Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной
службы по надзору в сфере
связи, информационных
технологий и массовых
коммуникаций по Тюменской
области, ХМАО-Югре и
ЯНАО.

Свидетельство о регистрации
ПИ №ТУ
72-00795 от 23 января 2013г.